



Goethe-Institut Bosna i Hercegovina

Džidžikovac 5,
71 000 Sarajevo

16.09.2024.

Goethe-Institut BiH
Džidžikovac 5
71 000 Sarajevo

Predmet: Poziv na takmičenje za nastavnike*ce njemačkog jezika 2024.

Poštovani,

povodom Svjetskog dana učitelja 5. oktobra Goethe-Institut Bosna i Hercegovina u saradnji sa Udruženjem nastavnika njemačkog jezika Bosne i Hercegovine po prvi put organizuje takmičenje za nastavnike njemačkog jezika.

Cilj takmičenja je prepoznati i podržati talentovane i angažovane nastavnike njemačkog jezika nagrađujući njihovu posvećenost i izvanredne rezultate u nastavi. Također, želimo unaprijediti imidž profesije nastavnika njemačkog jezika. Kroz ovo takmičenje nastojimo stvoriti bazu inovativnih projektnih ideja koje nastavnici mogu koristiti u svom radu. Nakon takmičenja sve prijavljene projektne ideje bit će dostupne svim nastavnicima njemačkog jezika u regiji, omogućavajući im razmjenu iskustava i međusobnu podršku.

Tema takmičenja: Kako promovišete njemački kao strani jezik u svojoj školi?

Zadatak: Nastavnici njemačkog jezika trebaju predstaviti svoje najbolje primjere iz prakse u kojima promovišu njemački jezik. Ovi primjeri trebaju biti samostalno razvijeni i sprovedeni u nastavi ili vanškolskim aktivnostima. Pored detaljnog opisa projekta, mogu se priložiti i radovi učenika, fotografije, plakati, audio i video zapisi.

Uslovi:

- Prijavni materijali trebaju biti dostavljeni na njemačkom jeziku.
- Potrebno je poznavanje njemačkog jezika na nivou B2 prema Zajedničkom evropskom referentnom okviru za jezike.
- Na takmičenju mogu učestvovati samo nastavnici njemačkog jezika koji su trenutno zaposleni ili rade honorarno u obrazovnoj ustanovi u Bosni i Hercegovini.

www.goethe.de

**GOETHE
INSTITUT**

Sprache. Kultur. Deutschland.



- Popunjen prijavni obrazac dostaviti najkasnije do **13. oktobra 2024.** na bewerbungen-sarajevo@goethe.de.

Nezavisni žiri (prestavnici DAAD-a, ZfA, Goethe-Instituta i Udruženja nastavnika njemačkog jezika iz Bosne i Hercegovine) odabrat će najbolje kandidate u svakoj kategoriji. Najbolji radovi bit će predstavljeni i nagrađeni u okviru Konferencije nastavnika njemačkog jezika Bosne i Hercegovine 2025.

Nagrade:

Nagrade će biti dodijeljene u dvije kategorije:

1. Najbolji/a nastavnik/ca njemačkog jezika u osnovnim školama
2. Najbolji/a nastavnik/ca njemačkog jezika u srednjim školama

Nagrade za nastavnike/ce njemačkog jezika u osnovnim školama:

1. Stipendija za učešće na seminaru za stručno usavršavanje Goethe-Instituta u Njemačkoj.
2. Stipendija za učešće na online kursu za jedan modul programa stručnog usavršavanja „Deutsch Lehren Lernen“.
3. Organizovana posjeta Goethe-Institutu u Sarajevu za cijeli razred uz prigodan program.

Nagrade za nastavnike/ce njemačkog jezika u srednjim školama:

1. Stipendija za učešće na Međunarodnoj konferenciji nastavnika njemačkog jezika 2025. (idt-2025.de) u Lübecku, Njemačka.
2. Stipendija za učešće na online kursu za jedan modul programa stručnog usavršavanja „Deutsch Lehren Lernen“.
3. Organizovana posjeta Goethe-Institutu u Sarajevu za cijeli razred uz prigodan program.

U slučaju pitanja molimo Vas da se javite na sljedeću mail adresu:

Arleta.Hadzimuratovic@goethe.de

Srdačno,

Vaš Goethe-Team

www.goethe.de

**GOETHE
INSTITUT**

Sprache. Kultur. Deutschland.